



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 46. S. Bernardi Apologia ob infelicem exitum Expeditionis in Terram Sanctam.

---

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

*S. Bernardi Apologia ob infelicem exitum Expeditionis in Terram Sanctam.*

Liber secundus scriptus est anno sequente millesimo centesimo quinquagesimo, ac initio Apologiam S. Bernardi continet, ob Expeditionem Hierosolymitanam infeliciter susceptam. Nam culpa in S. Abbatem rejiciebatur, quod ipse potissimum prædicatione commoti Fideles rem tantam moliti fuissent. Quamvis ut prædicaret bellum Sacrum Rex Gallia sapius institisset, Papa discrete præcepisset, & ipse se a Deo missum fuisse multis Signis editis satis probasset. Quin etiam, ut post belli exitum sibi objecta dilueret, miraculum patravit; illo enim tempore quo fama in Franciam attulit, profligatum fuisse Christianorum exercitum, quidam pater filium suum cæcum ad S. Bernardum adduxit, cumque Vir Sanctus operam suam conferre renueret, quod res supra merita sua esset, tam ferventer rogavit afflictus pater, ne sibi opem denegaret, ut tandem repugnantem vicerit. Tunc vero S. Bernardus, manibus super caput infantis positis, oravit, ut si Deo Auctore & per signa adjuvante, bellum in Turcas prædicasset, id sanando hunc cæcum

vit. Lib. 11.

C. 4.

1150.

cum

Sæcul. XII. cum palam facere dignaretur. Tum cum  
 A.C. 1150. completa oratione effectum expectaret,  
 subito puer, *quid jam mihi faciendum  
 est*, inquit, *quippe omnia clare video*.  
 Et illico magnus clamor plurimorum ho-  
 minum tam monachorum quam Sæcu-  
 larium præsentium exoritur.

ap. Bern.  
 ep. 380.

S. Bernardus ob funestam Crucige-  
 rorum sortem Epistolam consolatoriam  
 a Joanne Abbate Casemariensi prope Ve-  
 rulanum in Italia accepit, qui anno mille-  
 simo centesimo quadragésimo Monaste-  
 rium suum Congregationi Cisterciensi ad-  
 dixerat. Porro in sua epistola dicit: *Mibi  
 vero videtur Deus magnum bonum ex illa  
 Peregrinatione eduxisse, licet alia ratione,  
 ac peregrinantes crediderant. Si susce-  
 ptum opus, ut Christianos decet, pietate  
 & justitia profecuti fuissent, in medio  
 eorum pugnasset Deus, & eorum opera  
 usus uberes fructus dedisset. Nunc au-  
 tem, quia in gravissima crimina lapsi  
 sunt, eorum malitia in misericordiæ suæ  
 materiam mutata, miseras immisit, qui-  
 bus purgarentur & ad vitam æternam  
 pervenirent. Tandem nonnulli, qui ab  
 hac peregrinatione revertebantur, fassi  
 sunt, complures Crucigeros auditos fuisse  
 dicere, se lætos mortem oppetere, nec  
 cupere redire in patriam, ne rursus in  
 peccatorum baratrum inciderent. Otto  
 Frisingensis eodem modo causam infor-  
 tunatæ*

tunatæ Expeditionis explicat. Non negat, S. Bernardum Bellum Sacrum prædicantem Spiritu Dei actum fuisse, quamvis hic Scriptor in aliis locis S. Abbati non parum infensus videatur.

Sæcul. XII.

A.C. 1150.

Frid. lib. I.

c. 60.

## §. XLVII.

*De Consideratione Liber secundus.*

Itaque S. Abbas secundum librum de Consideratione, sua Apologia, exorditur. Excusat, quod tam diu hanc Scriptionem inchoatam dimiserit, cum funesto Sacræ expeditionis exitu usque adeo fuisset animo turbatus, ut non modo scribendi tædium, sed etiam mortis desiderium subiisset. *Dicimur bona promississe, quorum loco, inquit, secuta essent pessima. Quasi vero temere opus istud aut leviter aggressi essemus, tua jussa, imo te jubente Dei mandata exsecuti sumus.* Exemplum deinde Moysis affert, qui pollicitus esset Israelitis, eos in meliorem terram ducere, nec tamen eos introduxisset, quamvis egisset secundum Dei mandatum miraculis confirmatum. Tumque affirmat, Crucigeros Judæis nec minus incredulos nec minus rebelles extitisse. In rem suam commemorat bellum ab universis tribubus Israelitarum contra Benjamitas gestum; aggressores quamvis potiore causa & non sine nutu Dei præliarentur, bis a sceleratis fuisse

Jud. 20.